

დაბა ჩაქვი,

„09“ იანვარი 2019 წელი.

ერთი მხრივ, აჭარის ავტონომიური რესპუბლიკის უმაღლესი საბჭოს აპარატი (შემდგომში - შემსყიდველი) წარმოდგენილი აპარატის უფროსის მაია ხაჯიშვილის სახით და მეორე მხრივ, შ.პ.ს. „პროსერვისი“ (შემდგომში - მიმწოდებელი) წარმოდგენილი დირექტორის რევაზ ნატროშვილის სახით, ორივე ერთად წოდებული, როგორც „მხარეები“, „სახელმწიფო შესყიდვების შესახებ“ საქართველოს კანონის 10¹ მუხლის პირველი პუნქტის, სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესი“-ს 33-ე მუხლის პირველი პუნქტის და NAT180020340 მეთოდით ელექტრონულ ტენდერში გამარჯვებული შ.პ.ს. „პროსერვისი“-ს მიერ წარმოდგენილი სატენდერო წინადადების საფუძველზე, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - ხელშეკრულება) - შემსყიდველსა და ელექტრონულ ტენდერში გამარჯვებულ მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული და მასში მონიშნული ყველა დოკუმენტით;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე (გარდა ხელშეკრულებით პირდაპირ გათვალისწინებული შემთხვევებისა);
- 1.4. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც ახორციელებს შესყიდვას წინამდებარე სახელმწიფო შესყიდვის შესახებ ხელშეკრულების შესაბამისად;
- 1.5. „მიმწოდებელი“ - პირი, რომელმაც მოიპოვა გამარჯვება ელექტრონულ ტენდერში და შემსყიდველს უწევს მომსახურებას წინამდებარე „ხელშეკრულება სახელმწიფო შესყიდვის შესახებ“ შესაბამისად;
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „სატენდერო დოკუმენტაცია“ NAT180020340 ელექტრონული ტენდერის სისტემაში ელექტრონულად ატვირთული სატენდერო პირობები და დოკუმენტაცია.

მუხლი 2. ხელშეკრულების საგანი

- 2.1. ხელშეკრულების საგანია (შემდგომში „შესყიდვის ობიექტი“) „აჭარის ავტონომიური რესპუბლიკის უმაღლესი საბჭო“-სათვის ვებგვერდის (www.sca.ge) კოსტინგით მომსახურების (CPV კოდი: 72400000) სახელმწიფო შესყიდვა.
- 2.2. შესყიდვის ობიექტის ტექნიკური მახასიათებლები (პარამეტრები) და ღირებულება განისაზღვრება NAT180020340 ელექტრონული ტენდერის სატენდერო დოკუმენტაციის და მიმწოდებლის მიერ სატენდერო წინადადებით წარმოდგენილი ფასების ცხრილის - დანართი №1-ის მიხედვით, რომლებიც თან ერთვის ხელშეკრულებას და წარმოადგენს მის განუყოფელ ნაწილს.
- 2.3. შესყიდვის ობიექტის ხარისხი უნდა შეესაბამებოდეს სატენდერო დოკუმენტაციაში მითითებულ და ამ სფეროში არსებულ სტანდარტებს.
- 2.4. დაფინანსების წყარო: აჭარის ავტონომიური რესპუბლიკის ბიუჯეტით აჭარის ავტონომიური რესპუბლიკის უმაღლესი საბჭოსათვის 2019 წელს განსაზღვრული ასიგნება.

მუხლი 3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 660 (ექვსას სამოცი) ლარს, მიწოდებასთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.
- 3.2. ანგარიშსწორება მოხდება ფაქტიურად მიწოდებული შესყიდვის ობიექტის მიხედვით, შესაბამისი საგადასახადო ანგარიშ-ფაქტურის საფუძველზე.

მუხლი 4. შესყიდვის ობიექტის მიწოდების ვადები და ადგილი

4.1. ხელშეკრულების ობიექტის მიწოდება განხორციელდება ხელშეკრულების გაფორმებიდან **2019 წლის 31 დეკემბრის** ჩათვლით.

4.2. მიწოდების ადგილია: **დაბა ჩაქვი, მეგენიშვილის ქუჩა №25.**

მუხლი 5. შესყიდვის ობიექტის მიღება-ჩაბარების წესი

5.1. შესყიდვის ობიექტი მიწოდებულად ჩაითვლება საქართველოს კანონმდებლობით დადგენილი ფორმით საგადასახადო დოკუმენტაციის შემსყიდველისათვის წარდგენის და დადასტურების ან/და შესაბამისი მიღება-ჩაბარების აქტის გაფორმების შემდეგ.

5.2. შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს უმაღლესი საბჭოს აპარატის საზოგადოებასთან ურთიერთობის, ინფორმაციული ტექნოლოგიებისა და პროტოკოლის დეპარტამენტის დამხმარე საჯარო მოხელე (ქსელის ადმინისტრატორი) - **გურამ გაბაიძე**;

მუხლი 6. ანგარიშსწორების ფორმა და ვადები

6.1. მიწოდებული შესყიდვის ობიექტის ღირებულების ანაზღაურება მოხდება ეტაპობრივად, მიმწოდებლის მიერ საანგარიშსწორებო დოკუმენტაციის (საგადასახადო ანგარიშ-ფაქტურა ან/და მიღება-ჩაბარების აქტი) გაფორმების შემდეგ, უნაღდო ანგარიშსწორებით.

6.2. შემსყიდველი ვალდებულია მიმწოდებელთან ანგარიშსწორება განახორციელოს ეტაპობრივად, მიმწოდებლის მიერ ყოველ თვეში გაწეული მომსახურების შესაბამისად, საანგარიშსწორებო დოკუმენტაციის საქართველოს კანონმდებლობით დადგენილი წესით შემსყიდველისათვის წარდგენიდან **10 სამუშაო დღის** ვადაში.

მუხლი 7. მხარეთა უფლება-ვალდებულებები

7.1. შემსყიდველს უფლება აქვს:

- ა) შეამოწმოს შესყიდვის ობიექტის ხარისხი.
- ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.
- გ) ნებისმიერ დროს შეაჩეროს ან შეწყვიტოს ხელშეკრულება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

7.2. შემსყიდველი ვალდებულია:

- ა) წერილობითი ფორმით, ან კომუნიკაციის ელექტრონული საშუალებებით აცნობოს მიმწოდებელს შესყიდვის ობიექტის წუნის შესახებ.
- ბ) დაიცვას ხელშეკრულებით გათვალისწინებული პირობები.

7.3. მიმწოდებელს უფლება აქვს:

- ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- ბ) მოითხოვოს შემსყიდველისაგან ხელშეკრულების სხვა პირობების დაცვა.

7.4. მიმწოდებელი ვალდებულია:

- ა) მიაწოდოს შემსყიდველს შესყიდვის ობიექტი ხელშეკრულებით დადგენილი პირობების შესაბამისად;
- ბ) ხელშეკრულებით დადგენილი პირობებისა და წესის შესაბამისად დროულად აღმოფხვრას შესყიდვის ობიექტის წუნი;
- გ) ჯეროვნად, დროულად და კეთილსინდისიერად შეასრულოს ხელშეკრულების პირობები.

მუხლი 8. ხელშეკრულებით ნაკისრი ვალდებულებების შესრულების კონტროლი

8.1. შემსყიდველი უფლებამოსილია მოახდინოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყონებლივ წერილობით აცნობებს მიმწოდებელს დაწუნებული ობიექტის ნაწილის და წუნდების მითითებით.

8.3. გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8.4. ხელშეკრულების კონტროლს შემსყიდველის მხრიდან განახორციელებს აჭარის ავტონომიური რესპუბლიკის უმაღლესი საბჭოს საზოგადოებასთან ურთიერთობის, ინფორმაციული ტექნოლოგიებისა და პროტოკოლის დეპარტამენტის დამხმარე საჯარო მოხელე (ქსელის ადმინისტრატორი) - **გურამ გაბაიძე**;

მუხლი 9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისთვის მხარეებს ეკისრება პირგასამტეხლო შესასრულებელი ვალდებულების ღირებულების **0,02%-ის ოდენობით**. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.2. იმ შემთხვევაში თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების **5%-ს**, მხარეებს უფლება აქვთ შეწყვიტონ ხელშეკრულება.

9.3. ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

მუხლი 10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების ან დამატების შეტანა შეიძლება მხოლოდ მხარეთა წერილობითი შეთანხმებით.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის **398-ე** მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის **398-ე** მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების **10%-ზე მეტი ოდენობით**.

10.4. თუ ხელშეკრულების რომელიმე მხარე დაარღვევს ხელშეკრულებიდან გამომდინარე ვალდებულებას და პირობებს, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა, ვალდებულების შესრულებისათვის მის მიერ დამატებით განსაზღვრული გონივრული ვადის უშუალოდ გასვლის შემდეგ (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა). თუ ვალდებულების ხასიათიდან გამომდინარე შეუძლებელია ან აზრს კარგავს დამატებითი ვადის გამოყენება, მაშინ დამატებითი ვადის განსაზღვრას უთანაბრდება გაფრთხილება (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა).

10.5. ხელშეკრულების შეწყვეტასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.

10.6. ხელშეკრულება ასევე, შეიძლება შეწყდეს მხარეთა ინიციატივით, წერილობითი ურთიერთშეთანხმების საფუძველზე.

მუხლი 11. დავები და მათი გადაწყვეტის წესი

11.1. ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მოლაპარაკების გზით.

11.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი 12. დაუძლეველი ძალა

12.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამხარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ორ კვირაზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

12.3. დაუძლეველი ძალის შემთხვევაში მხარე დაუყოვნებლივ წერილობით აცნობებს ამის შესახებ მეორე მხარე.

მუხლი 13. სხვა პირობები

13.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ერთი ეგზემპლარი ინახება მიმწოდებელთან, ხოლო მეორე - შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 14. ხელშეკრულების მოქმედების ვადა

ხელშეკრულება ძალაში შედის მისი დადების დღიდან და მოქმედებს **2020 წლის 31 იანვრის ჩათვლით.**

მუხლი 15. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი და კოორდინატორი, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებს, რომ მისი მონაწილეობა აღნიშნულ შესყიდვაში არ იწვევს ინტერესთა კონფლიქტს.

მუხლი 16. მხარეთა იურიდიული მისამართები და რეკვიზიტები

„შემსყიდველი“	„მიმწოდებელი“
აჭარის ავტონომიური რესპუბლიკის უმაღლესი საბჭო	შ.პ.ს. „პროსერვისი“
მისამართი: დაბა ჩაქვი, მეგენიშვილის ქუჩა №25	მისამართი: ქ. თბილისი, ი. აბაშიძის 42, ბ 26
საიდენტიფიკაციო კოდი: 245 425 749	საიდენტიფიკაციო კოდი: 204 929 168
სახელმწიფო ხაზინის ერთიანი ანგარიში	მომსახურე ბანკი: ს.ს. „თიბისი ბანკი“
სახელმწიფო ხაზინის ბანკის კოდი: TRESGE22	მომსახურე ბანკის კოდი: TBCBGE22 ანგარიშის №GE28TB0600000303467561
აპარატის უფროსი: _____ /მაია ხაჯიშვილი/	დირექტორი: ----- /რევაზ ნატროშვილი/